

Na osnovu Sporazuma o saradnji na realizaciji projekta "Sufinansiranje gasnih priključaka na postojeću infrastrukturu Sarajevogasa", broj: 05-11-32836/26 (naš br. 147/26) od 09.07.2026. godine, zaključenog između KJKP "Sarajevogas" d.o.o. Sarajevo i Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, KJKP "Sarajevogas" d.o.o. Sarajevo raspisuje

JAVNI POZIV
za izbor korisnika sufinansiranja gasnih priključaka na postojeću infrastrukturu
KJKP „Sarajevogas“ d.o.o. Sarajevo

I - PREDMET JAVNOG POZIVA

Predmet ovog Javnog poziva je prikupljanje prijava za sufinansiranje gasnih priključaka na postojeću infrastrukturu KJKP „Sarajevogas“ d.o.o. Sarajevo (dalje: Sarajevogas) tj. troškova izgradnje novih priključaka individualnih stambenih objekata na distributivnu gasnu mrežu sa nabavkom i ugradnjom mjernih i regulaciono-mjernih setova.

II - USLOVI ZA SUFINANSIRANJE GASNIH PRIKLJUČAKA NA POSTOJEĆU INFRASTRUKTURU SARAJEVOGASA

1. Prijavu na javni poziv za sufinansiranje gasnih priključaka na postojeću infrastrukturu Sarajevogasa tj. izgradnja novih priključaka individualnih stambenih objekata na distributivnu gasnu mrežu sa nabavkom i ugradnjom mjernih i/ili regulaciono-mjernih setova mogu podnijeti vlasnici:
 - a) individualnih stambenih objekata
 - b) stambenih jedinica u objektima kolektivnog stanovanja gdje postoji priključak za gas
 - c) stambenih jedinica u objektima kolektivnog stanovanja gdje ne postoji priključak za gas.
2. Podnosioci prijava iz tačke 1. podtačke a) i b) ovog javnog poziva moraju ispunjavati sljedeće uslove:
 - a) da posjeduju Informaciju o mogućnosti priključenja sa predmjerom materijala i radova, kojom se konstatuje da postoji mogućnost priključenja objekta na distributivnu gasnu mrežu
 - b) da posjeduju ovjeren Projekat unutrašnje gasne instalacije (ukoliko je Energetska saglasnost starija od dvanaest (12) mjeseci istu je potrebno produžiti)
 - c) da posjeduju ovjeren Zapisnik o završetku izvođenja radova na postavljanju unutrašnje gasne instalacije i uređaja.
3. Podnosioci prijava iz tačke 1. podtačke c) ovog javnog poziva moraju ispunjavati sljedeće uslove:
 - a) da posjeduju saglasnost/izjavu svih etažnih vlasnika za priključenje objekta na distributivnu gasnu mrežu
 - b) da posjeduju Informaciju o mogućnosti priključenja sa predmjerom materijala i radova, kojom se konstatuje da postoji mogućnost priključenja objekta na distributivnu gasnu mrežu
 - c) da posjeduju ovjeren Projekat unutrašnjih gasnih instalacija.

III - DOKUMENTACIJA UZ PRIJAVU NA JAVNI POZIV

Podnosioci prijava su dužni uz **prijavu na ovaj javni poziv, koja sadrži ime i prezime podnosioca prijave, adresu stanovanja i kontakt telefon**, dostaviti uredne dokaze da ispunjavaju uslove iz dijela II ovog javnog poziva, i to:

- 1) Podnosioci prijava iz dijela II tačka 1. podtačke a) i b):
 - a) Informaciju o mogućnosti priključenja izdatu od strane KJKP "Sarajevogas" d.o.o. Sarajevo u originalu ili ovjerenoj kopiji, ne stariju od dvanaest (12) mjeseci, a ukoliko je Informacija starija od dvanaest (12) mjeseci istu je potrebno produžiti
 - b) Projekat unutrašnje gasne instalacije ovjeren od strane KJKP "Sarajevogas" d.o.o. Sarajevo u originalu ili ovjerenoj kopiji
 - c) Zapisnik o završetku izvođenja radova na postavljanju unutrašnje gasne instalacije i uređaja sačinjen od strane izvođača gasnih instalacija iz Registra ugovornih izvođača KJKP "Sarajevogasa" d.o.o. Sarajevo u originalu ili ovjerenoj kopiji.
- 2) Podnosioci prijava iz dijela II tačka 1. podtačka c):
 - a) Saglasnost/izjave svih etažnih vlasnika za priključenje objekta na distributivnu gasnu mrežu
 - b) Informacija o mogućnosti priključenja izdata od strane KJKP "Sarajevogas" d.o.o. Sarajevo, u originalu ili ovjerenoj kopiji, ne starija od dvanaest (12) mjeseci
 - c) Projekat unutrašnje gasne instalacije ovjeren od strane KJKP "Sarajevogas" d.o.o. Sarajevo u originalu ili ovjerenoj kopiji

Maksimalni iznos sufinansiranja gasnog priključka na postojeću infrastrukturu Sarajevogasa po jednoj stambenoj jedinici iznosi 1.500,00 KM bez PDV-a.

Troškovi izgradnje gasnog priključka uključuju:

- materijal i radove potrebne za izgradnju priključka i
- nabavku i ugradnju mjernih i/ili regulaciono-mjernih setova.

Ukoliko ukupni troškovi izgradnje gasnog priključka prelaze iznos od 1.500,00 KM bez PDV-a (npr. zbog veće udaljenosti objekta od distributivne gasne mreže, potrebe za prokopima javnih površina i sl.), podnosilac prijave je dužan, prije početka izgradnje priključka, a na zahtjev KJKP „Sarajevogas“ d.o.o. Sarajevo, dostaviti Izjavu ovjerenu kod nadležnog organa, kojom potvrđuje da će o vlastitom trošku snositi razliku troškova izgradnje gasnog priključka i troškova koji se odnose na izvođenje prokopa javnih površina. U slučaju da je za izgradnju priključka objekta na distributivnu gasnu mrežu potreban prokop javne površine podnosilac prijave je dužan dostaviti dodatnu dokumentaciju potrebnu za pribavljanje odobrenja za prokop javnih površina.

Podnosilac prijave na ovaj Javni poziv ima pravo na sufinansiranje troškova samo jednog priključka na postojeću infrastrukturu Sarajevogasa.

Sredstva za sufinansiranje troškova gasnih priključaka na postojeću infrastrukturu Sarajevogasa su ograničena, a predviđena su u Budžetu Kantona Sarajeva.

Sve zaprimljene prijave na Javni poziv koje zadovoljavaju uslove Javnog poziva bit će sufinansirane u priznatom dijelu troškova, do potrošnje planiranih sredstava.

Prednost prilikom odabira prijava za sufinansiranje imat će ranije zaprimljene prijave na Javni poziv.

IV – DOSTAVLJANJE PRIJAVA NA JAVNI POZIV I IZBOR KORISNIKA

Prijave na Javni poziv dostavljaju se putem pošte ili neposredno na protokol KJKP "Sarajevogas" d.o.o. Sarajevo, na adresu: Trg Fadile Odžaković Žute broj 4, 71000 Sarajevo. Na koverti je potrebno posebno naznačiti: **„Prijava na Javni poziv za izbor korisnika sufinansiranja gasnih priključaka na postojeću infrastrukturu KJKP „Sarajevogas“ d.o.o. Sarajevo – NE OTVARATI“.**

Javni poziv ostaje otvoren do utroška sredstava, a najkasnije devedeset (90) dana od dana objavljivanja. Objava Javnog poziva izvršit će se u dnevnom listu Oslobođenje, na web stranici Kantona Sarajevo i web stranici KJKP "Sarajevogas" d.o.o. Sarajevo.

Rok za podnošenje prijava računa se prema datumu objave Javnog poziva u dnevnom listu Oslobođenje. Dan predaje prijave na poštu ili na protokol u sjedištu KJKP "Sarajevogas" d.o.o. Sarajevo smatra se danom prijema, odnosno podnošenja prijave.

Nepotpune, neuredne i neblagovremene prijave, kao ni prijave podnosilaca koji ne ispunjavaju uslove i kriterije Javnog poziva, neće biti predmet daljnjeg razmatranja.

Izbor korisnika sufinansiranja po ovom Javnom pozivu vršit će Komisija za izbor korisnika sufinansiranja. Komisija će provoditi Javni poziv sukcesivno, prema redoslijedu zaprimanja prijava, te će sukcesivno vršiti otvaranje, pregled i ocjenu pristiglih prijava, utvrđivati njihovu urednost i potpunost, provjeravati ispunjenost uslova i kriterija utvrđenih Javnim pozivom, te na osnovu provedenog postupka sačinjavati parcijalne liste korisnika sufinansiranja.

Po okončanju obrade svih blagovremeno zaprimljenih prijava i provedenog postupka ocjene, Komisija će objediniti parcijalne liste i sačiniti konačnu Listu korisnika sufinansiranja.

Podnosilac čija je prijava, nakon pregleda i ocjene Komisije, utvrđena kao blagovremena, uredna i potpuna i za kojeg je utvrđeno da ispunjava uslove i kriterije Javnog poziva, stiče pravo na sufinansiranje danom dostavljanja prijave nadležnoj službi na realizaciju. Takav podnosilac uvrštava se na konačnu Listu korisnika sufinansiranja.

Konačnu Listu korisnika sufinansiranja sačinjava Komisija, a usvaja je direktor KJKP „Sarajevogas“ d.o.o. Sarajevo odlukom koja se donosi u roku od trideset (30) dana od dana zatvaranja Javnog poziva. Donošenjem odluke o konačnoj Listi korisnika sufinansiranja postupak po ovom Javnom pozivu smatra se okončanim.

Konačna Lista korisnika sufinansiranja, koja će obuhvatiti sve korisnike utvrđene na osnovu provedenog postupka, bit će objavljena na web stranici KJKP „Sarajevogas“ d.o.o. Sarajevo i web stranici Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo.

Direktor Preduzeća

Hase Tirić, MA